



## Պարույր Սևակ

### Ծախում - առնում - քաշխում եմ

Թե ավելորդ գորով ունեք՝  
Տարեք շուկա՛,  
Ես ծախո՛ղ եմ, ո՛չ թե առնող:  
Թե ավելորդ կորով ունեք՝  
Ես կամ ու կամ,  
Էլ ինձնից էլ լավ ձեռք բռնո՞ղ:  
Խե՞ղք եք ծախում՝  
Առնողը չեմ,  
Թե գինն անգամ ջրի գին է,-  
Հաջողությա՛ն համն եմ անգամ ես մոռացել,  
Ահա թե ի՛նչ:  
Ելք չե՞ք ծախում՝  
Հագա՛ր ափսոս,  
Թե չէ մուտքը իմ կողքին է,  
Չի պահանջվում և մուտքի տոմս -  
Քիչ է մնում քաշեն թևից:  
Ինչի՛ս է պետք և ձեր երգը,  
Առնող ճարեք՝ ինքըս ծախեմ:  
Դահլիճ լինի կամ լսարան՝  
Այդ ուրի՛շ բան,  
Կատնեմ ե՛ս էլ:

Ինչի՛ս է պետք ձեր տարերքը,  
Փոխող բերեք՝ ինքրս փոխեմ:  
Հանգի՛ստ փոխեմ իմ տարերքի գոնե կեսը:  
Ո՞վ է այնտեղ համարյա թե ձրի ծախում նահանջ: Ունե՛մ:  
Ինձ հարձակման թափ էլ պետք չէ:-  
Ճարպկությա՛ն պահանջ ունեմ...  
Ո՞վ է այնտեղ ներկեր ծախում,-  
Ներկարա՞ր եմ ու նախշո՞ւմ եմ...  
...Եվ շատ բաներ,  
Որ չեն ծախվում ու չեն առնում,  
Ես բաշխո՞ւմ եմ:  
Ես բաշխում եմ ազնվության անցագրերը,  
Սակայն ո՛չ թե «մի անգամվա»,  
Այլ «մշտական»՝ միանգամայն:  
Ես բաշխում եմ հանդրգնություն,՝  
Ո՛չ ճգնություն  
Անգորության փակ շրջանում,  
Եվ ո՛չ մտքի մթագնություն,  
Այլ տքնություն,  
Որ թռիչքով է վերջանում:  
Գութ ու խղճից գրկվածներին՝  
Մինչև անգամ ո՛չ խղճի խայթ,  
Ողորմաբար խի՛ղճ եմ տալիս.  
Ո՛չ թե դենքի ծամածրոսանք,  
Այլ օգնություն աղերսելու ճիշ եմ տալիս՝  
Ցավածներին,  
Անմահություն՝  
Զոհվածներին,  
Ծլարձակում՝  
Բովվածներին,

Անդավաճան ընկերություն՝  
դավաժներին,  
Բարի գալուստ՝  
չվաժներին...  
Համակրություն է հարկավոր բարի գործին,  
Եվ մաքրություն է հարկավոր միտք ու հոգու,-  
Թեկուզ մտքո՛վ, նույնիսկ հոգո՛վ լոկ կամեցեք  
Եվ... մի՛ քաշվեք-կարկամեցեք,  
Մո՛տ համեցեք...  
Ես ծախում եմ, նաև առնում  
Եվ, հույս ունեմ, ինձ չեք խառնում  
Չարաշահող շարժիներին,  
Թե չէ, գիտե՞ք, ո՛չ թե աստված,  
Չարժիներն էլ ձեզ չեն ների...

04-05.VI.1957թ.

Մոսկվա